

ՎԵՆԱՓԱՌ ԿԱՅՐԱՊԵՏԻ ՔԱՐՈՋՆԵՐԸ ՔԱՂԱՔԱՄԱՅՐ ԵՐԵՎԱՆԻ ՍՈՒՐԲ ՍԱՐԳԻՍ ԵԿԵՂԵՑԻ ՄԵԾԻ ՊԱՆՈՑ ՇՐՋԱՆՈՒՄ

Նորին Սուրբ Օծություն S. S. Գարեգին Ա Ամենայն Հայոց Կաթողիկոսը, հավատարիմ մեր Հայրերի սուրբ ավանդությանը, Մեծի Պահոց շրջանում, փետրվարի 28-ից սկսյալ, մայրաքաղաքի առաջնորդանիստ Սուրբ Սարգիս եկեղեցում ամեն չորեքշաբթի, երեկոյան ժամերգությունից հետո, հանդես եկավ քարոզխոսությունների շարքով՝ պահոց շրջանին պատշաճ ապաշխարության եւ հոգեւոր պահեցողության թեմաներով:

Հոգեւոր մխիթարության ու բերկրանքի զգացումն էր ամեն անգամ պարուրում եկեղեցու հավատարմոր զավակներին, քանզի Սուրբ Սարգիս եկեղեցի կատարած իր շնորհաբեր այցով Վեհափառ Հայրապետը վերստին աղոթակից դարձավ, կրկին հաղորդակցվեց իր հոգեւոր հոտի անդամների հետ եւ կիսեց Մեծի Պահոց շրջանում ունեցած իր զգացումներն ու ապրումները, որի անհրաժեշտությունը այդքան ունի յուրաքանչյուր հավատացյալ հայորդի:

...Փետրվարի 28-ին, հավարտ խաղաղական ժամերգության Արարադյան Հայրապետական թեմի առաջնորդական փոխանորդ S. Գարեգին արքեպիսկոպոս Ներսիսյանը բարիզալստյան ու որդիական երախտիքի խոսքեր ուղղեց Ամենայն Հայոց Կաթողիկոսին շնորհաբեր այցի համար իր աղոթքը վերառաքելով առ Աստված վասն Հայրապետի կենաց արեւշարության եւ ձեռաց բոլոր գործերի հաջողության: Սրբազանը ի մասնավորի ասաց.

«Վեհափառ Տեր, թող Աստված միշտ ծաղկյալ պահի Լուսավորչի զավագանը Ձեր աջում եւ ուժ, կարողություն եւ եռանդ պարգևի, որպեսզի մշտապես, ինչպիսի հոգևություն էլ ծանրացած լինի Ձեր ուսերի վրա, Դուք կարողանաք Ձեր Հայրական սերը, հոգածությունը այսպիսի ջանացությամբ հասցնել մեր հավատացյալ ժողովրդին»:

Այնուհետեւ Սրբազանը հրավիրեց Նորին Սուրբ Օծությանը իր հայրական պատգամը, հայրապետական օրհնությունն ու հոգու լույսը բաշխել մեր եկեղեցու բարեպաշտ զավակներին, որին նրանք հաղորդակցվեցին ամեն չորեքշաբթի ողջ Մեծի Պահոց շրջանում:

Անահիտ Մեղրական